

---

**KENYATAAN MEDIA**  
(*Untuk Siaran Langsung*)**CGC MELANTIK DATO' MOHAMMED HUSSEIN SEBAGAI PENGERUSI BAHARU**

**KELANA JAYA, 1 Julai 2020** – Credit Guarantee Corporation Malaysia Berhad (CGC) dengan sukacitanya mengumumkan pelantikan Dato' Mohammed Hussein sebagai Pengerusi baharu berkuatkuasa 1 Julai 2020. Beliau menggantikan Dato' Agil Natt yang telah meletak jawatan sebagai Pengerusi pada 30 Jun 2020. Dato ' Agil Natt dilantik sebagai Pengerusi CGC pada 18 Jun 2013 dan memainkan peranan yang penting dalam pertumbuhan dan perkembangan perusahaan mikro, kecil dan sederhana di Malaysia. Pada 8 November 2019, Dato 'Agil Natt dilantik sebagai Pengerusi/Pengarah Bebas Bukan Eksekutif Affin Bank Berhad.

Dato' Mohammed Hussein memperoleh ijazah Sarjana Muda Perdagangan (Bachelor of Commerce) dalam jurusan Perakaunan daripada University of Newcastle, New South Wales, Australia. Beliau adalah seorang alumnus Advanced Management Program, Harvard Business School, Boston, USA. Dato' Mohammed Hussein juga merupakan fellow di Asian Institute of Chartered Banker.

Pada masa ini, beliau adalah Pengerusi Bebas Bukan Eksekutif Gamuda Berhad, Hap Seng Plantations Holdings Berhad dan Syarikat Takaful Malaysia Keluarga Berhad. Beliau juga adalah Pengerusi Jawatankuasa Penyusunan Semula Hutang Korporat (Corporate Debt Restructuring Committee) yang ditaja oleh Bank Negara Malaysia untuk memudahkan resolusi dan penyusunan semula hutang korporat.

Dato' Mohammed Hussein pernah berkhidmat dengan Kumpulan Malayan Banking Berhad (Maybank) selama 31 tahun dan menjawat pelbagai jawatan pengurusan kanan termasuk Ketua Perbankan Korporat, Ketua Perbankan Komersial, Ketua Operasi Malaysia, Pengarah Urusan Aseambankers Malaysia Berhad (kini Maybank Investment Bank Berhad) and Pengarah Eksekutif (Kumpulan Perniagaan). Beliau juga pernah bertugas sebagai Timbalan Presiden/Pegarah Eksekutif/Ketua Pegawai Kewangan Kumpulan Maybank sebelum bersara pada 30 Januari 2008.

- TAMAT -



## Mengenai CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial dan syarikat kredit di Malaysia. Matlamat CGC adalah untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. CGC telah memanfaatkan lebih daripada 470,000 jaminan dan pembiayaan kepada PKS bernilai lebih dari RM75 bilion sejak penubuhannya.

Pada 9 Februari 2018, CGC memperkenalkan imSME, sebuah platform rujukan pembiayaan / pinjaman PKS atas talian yang pertama di Malaysia. Sejak penubuhannya sehingga 31 Mei 2020, imSME telah menerima lebih daripada 1.7 juta pengunjung dan lebih daripada 29,000 PKS berdaftar di bawah portal ini.

CGC adalah institusi kewangan berkekalan, menyediakan pelbagai jenis jaminan dan produk pembiayaan, yang merangkumi Dana Projek Usahawan Bumiputera bernilai RM300 juta (TPUB-i). Skim pembiayaan kontrak ini dibiayai oleh Bank Negara Malaysia (BNM) dan menyediakan pembiayaan modal kerja kepada usahawan Bumiputera yang telah diberikan kontrak atau projek oleh Kerajaan atau agensi-agensinya.

Dalam usahanya untuk memberi khidmat Beyond Guarantee, CGC Developmental Program™ dilancarkan pada tahun 2016 untuk mempromosikan pertumbuhan dan perkembangan PKS di Malaysia. Program serampang dua mata ini menyediakan PKS dengan nasihat untuk Akses Pembiayaan dan Akses Pasaran.

Pada Ogos 2019, Bank Negara Malaysia menubuhkan Khidmat Nasihat Pembiayaan (MyKNP), sebuah kerjasama dengan CGC dan Agensi Kaunseling dan Pengurusan Kredit (AKPK), untuk meningkatkan ekosistem pembiayaan dengan mempromosikan sektor kewangan yang kuat, progresif dan inklusif. Program ini membantu meningkatkan kelayakan PKS untuk pembiayaan masa depan dengan merapatkan jurang maklumat antara pemohon pembiayaan dan institusi kewangan. PKS yang tidak berjaya boleh menghubungi MyKNP @ CGC untuk mendapatkan khidmat nasihat dan meningkatkan kelayakan mereka untuk pembiayaan masa depan.

PKS yang berminat boleh menghubungi Pusat Khidmat Pelanggan CGC di talian 03-7880-0088, e-mel [csc@cgc.com.my](mailto:csc@cgc.com.my) atau kunjungi [www.cgc.com.my](http://www.cgc.com.my) | [www.imsme.com.my](http://www.imsme.com.my) | FB: @CGCmy | Instagram: @cgcmalaysia untuk maklumat lebih lanjut.

**Untuk sebarang pertanyaan, sila hubungi pegawai Jabatan Komunikasi Korporat kami yang tertera seperti di bawah:**

Mohana Arumugam  
Naib Presiden  
Komunikasi Korporat  
Tel: +6017-237-6366  
[mohana.arumugam@cgc.com.my](mailto:mohana.arumugam@cgc.com.my)

Patricia Liew  
Pengurus  
Perhubungan Awam & Media  
Komunikasi Korporat  
Tel: +6012-286-9085  
[patricia.liew@cgc.com.my](mailto:patricia.liew@cgc.com.my)